



**Veritates Christianæ Qvæ Modvm Exhibitent Benè Vivendi
Et Benè Moriendi**

Balde, Hendrik

Ipris, 1689

44. Cap. Directio conscientiæ ex mente Theologorum.

Nutzungsbedingungen

[urn:nbn:de:hbz:466:1-56447](#)

peccator improvisâ obrutus morte: Mi-
sera & infelix anima ehen! quo nunc ibis?

Hæc sunt verba, hæc cogitationes eo-
rum, qui malâ torquentur conscientiâ:
eiusmodi casibus nonnunquam ita per-
turbantur, tamque vehementi concutiun-
tur metu, ut de corpore magis, quam
de animâ sint solliciti, atque ineptos se
reddant, ut verum de peccatis dolorem
elicant.

Id varijs temporibus, varijs, qui terræ
motibus sub domorum ac turrium ruinâ
semianimes inventi, atque inde erepti
sunt, de se fassii frère.

Vbi virtus deficit, ibi deficit animi
tranquillitas. Nulla libertas, latitia nulla,
nisi in timore Domini, & in bona, se-
curaque conscientia.

CAPUT XLIV.

Diriclio conscientie ex mente Theologorum.

P Ecclatum usque adeò est voluntarium,
ut sine voluntate fieri non possit;
hinc voluntatis consensus necessariò re-
quiritur.

Consensus voluntatis tunc est perfectus,
quando à præmeditata, atque à plena
F6 deliberatâque

deliberatâque peccati electione , aut
clarè cognitâ rerum , quas exequi tene-
mur , omissione proficiscitur.

Consensus voluntatis imperfectus est
ubi peccatum intellectui leviter & im-
perfectè propositum , in negligentiorem &
remissiorem potius cadit voluntatem ,
quā omnino liberè admittatur .

Perfectus consensus mortiferum est
peccatum , quotiescumque versatur circa
gravem materiam , quā vel Deo , vel
proximo , vel nobis ipsis grave malum
infertur .

Consensus imperfectus , noxam non
nisi veniale adferre potest , quantacunque
sit materia .

Ex ijs quæ dicta sunt , conficitur te ,
quidquid cogitaveris mali , peccatum
mortale neandum commisisti , nisi per-
fectam cognitionem , aut judicium lethi-
feri cuiusdam mali antè habueris .

Si notitiam obscuram , obscurumque
judicium lethalis mali dumtaxat , multo
magis si sensualem tantummodo habue-
ris imaginationem , mortiferam noxam
non admissisti , sed non nisi culpam for-
tassis veniale , ac proinde inferorum ,
incendia non es promeritus : dedecet
enim infinitam Dei bonitatem , sempiter-

dis punire flammis culpam sine plena
d:liberatione commissam.

Quapropter quidquid mali primis vitæ
tuæ annis, quibus tibi deerat iussiens
rationis usus, aut in proiectiori ætate bonâ
fide commissum est, angere te nequaquam
debet, quod ea necdum fueris confessus.

Nemo peccat peccare se nesciens, aut
sciendi carens potestate.

* Voluntarium est omne peccatum, nemo pec-
cat invitus ait S. Martinus Bracarensis, (a)

Qui timore Dei præditus est, quique
peccati horrore concepto, instauratoque
frequenter noxam mortiferam numquam
perpetrandi proposito, in eam non facile
labitur, is si dicat, agat, cogitet ingens
aliquid malum, aut impuris cogitationibus
motibusque inde exurgentibus vehemen-
tius exagitetur, & postmodùm dubitet,
an plenum perfectumque præbuerit con-
sensum, ac proinde mortiferi peccati sit
reus, is inquam, judicare potest, sibique
persuadere, ut summum se venialem
contraxisse culpam.

Contra homines improbi, qui sape
in gravia peccata labuntur, judicare pos-
sunt se noxam mortiferam perpetrasse,
si quando, utrum illam commiserint,
inciderit ipsis dubitatio.

(a) Max. de morib. 11

Hæc

Hæc dicta sunt in solarium eorum, quæ teneram nacti sunt conscientiam, quæ non raro ea res angit, eò quod dubitationibus suis se nequeant expedire: verum id quod sequitur, scrupulosis non mediocri erit consolationi.

CAPVT XLV.

*Directio conscientie ex mente Thelogorum
in solarium scrupulorum.*

Si is, qui tibi à confessionibus est scrupulosum te esse dixerit, potes imo debes illi fidem habere, penitusque in animum inducere ejusmodi te esse, ac proinde privilegijs, quæ scrupulosis concessa sunt, sine ulla anxietate tibi fru omnino licet.

Qui scrupulosus est, nunquam aliquid confiteri debet, nisi certò sciat hæc tristim. Primum est, se illud fecisse; Alterum, noxam se commisisse mortiferam. Postremum est; nunquam se eam esse confessum, déque his tam certus sit operetur, ut interrogatus, tria hæc jurejurando affirmare ausit.

Si dubitet, imo si peccatum mortale admisisse, aut illud nunquam declarasse